



Elisabet mundu douamnganen, ngantan bari war
konum kupu taruda, Allahdi er im deiki pel don ngebo
Gabriel dokotepupa, Yudea tara damai dinin, Galilea
tara neitamai ati arum doramyai sida, Nasaret mutu kai
perbeu. Ada, Yahudi yala neng, sun apu bo Raja
Dauddi deipupa, dadeipdanen baramyanen, Daud
nengdi deipi ngebo Yusupda, erdi mun peramu ner, er
damai perbeu. Anerda, nimi dona
gum pio kaber nerpu kuramu. Er
sida, Maria.




Kware kupu dinin, Gabrieldi Maria
tep upepu. "Gume kan kwar dangna
yapo. Allahdi kan tep bicau tenepra,
kange konum deiamkeu. Allah
melipkerya deiki di, sal mi
mundu douamemyanen,
amenda taru ami
deipmemnyopda, er sida, Yesus
pepkamrume. Amida, akeca-keca
yuma deiki tara kure ngebo, Allah im
deiki kuredi, akeca yuma talerur
ngeboda, er mi sisa kunkamre."



“Amidi ila mambul ngebo cadi, nimi epmengedi, ‘Ada Allah er Mi Sisa kurure,’ penkamenge. Amida er apu bo Daud, Israel nesala yuma talepra, ila nimi deiyo ngebo kuramutopu, er peda, Allah puto kareprepa, amidi Israel nesala yuma talepra, ila nimi deiyo ngebo kunkamre.”



“Uka talepra kunkamre taruda,
Israel nesala dinin, sun apu bo
Yakubdi deiamupa, dadeipdanen
bange nesala yuma, pio talepra
kunkamre. Pio men tapkamre.
Apio talepra kunkamre. Erdi
talenkamre ngeda, pio talepra
kunkamra cadi, men gum
kupmanto kunkamre,” Gabrieldi
pepu.



Upepupa, Mariadi tamupra asipetepu.

“Apepmanerem keca yumada, ne nimi men dopsa tep, ware ka kupnetu do?” pepra asipetepu.

Asipterepupa, malaikatdi tamupra Maria tep pepu.

“Allah er Lek Sambala kan nong deiki deipkeredi, Allah er putoda, kuki utopu kan nong deiki kunkamkere.”



“Ukupkamkera deiki di, mundu
douamemyanen, amenda taru, mali
kun keca tenpunge peda pio men
kunkamre mi deipkamrema tep,
nesala yumadi er tep, ‘Amida,
Allah er Mi Sisa,’
tenepra penkamenge.”



Ataru dipapu, Maria ketenepudi, menmena
Yudea tara neitamai mutu buma bukamudi
welena cap, kwerena cap kwamu mutu
beu. Beudi, tenpu ati arum
domyai beudi, Zakaria er
ati pum wekra, Elisabet
cap epdarei pangeda,
"Telepe," pepra gispal
dopu.



Mariadi, "Telepe," pepupa, Elisabet gekepu dingeda, adipapu er mundu pumbon di ami gam popupa, Allah er Lek Sambaladi, Elisabet er dipru neitamai yana wekudi dinipu.

Dinipu pangeda, Elisabet ila di aupu pepu. "Uo, yuk nerapu yumada, Allahdi sun tep kange deiamu dinin, kan Maria puda, ila di melimkerure. Tonda, kan deipkamrem sal mi peda, Allahdi

konum wepudi kange deipu."



Yesus Kristus derin taru
kupu kecada adano.

Yusupdi, 'Maria dopkamne'
tenen, mun konum peramu
dinin, kapul men domudi,
kikiman men kunmarei
dipapu, Maria mundu
doupu. Maria
mundu doupkada,
Allah er Lek Sambaladi
puto karepka deiki di
mundu doupu.



Yusupda, Musa sekeiamu
upu gekepra pio dumsisipu
kuramnga cadi, nimi
yumadi, 'Anerda mali ner
tenepnung' tenen, 'Nimi
gekenai aner tamna
tep, nedi lap men
pepkune. Aner tep
iniptapkamane,'
tenepu.



Utenepu dinin, Yusup akeca tep, dipru ikin kange doupra tupa mapmau taruda, Allah er im deiki pel don ngebo malaikatdi, Yusup er kene mapka deiki di yana lap pepu. "Daud er yala nengdi deipkeu ngebo, Yusupo, Maria er mundu doupkada, nimidi guma. Allah er Lek Sambala puto deiki di mundu doupke. Ange tep nengeda, kan kwar dangna gume."



"Maria tali lupra dopkamreme. Mariadi sal mi deipkamre. Deipyopda, er si Yesus penkamrume. Yesus pepkamruma deiyoda, 'Erda Nimi Lyemna Ngebo kurure' tenena tep penkamrume."



"Allah er nyapu yuma sun mali kunge keca cap, mali tenenge keca cap tep, 'Allahdi wenepra poprur' tenen, Yesusdi akeca yuma gum kupra deipredi, nesala weika di lyepkamra tep, ami er si Yesus penkamrume." Malaikatdi Yusup tep pepu.



Malaikatdi aupu peipupa gekepudi, Yusup buku dingeda, amalaikatdi, "Ukupkurume," peipmautopu, Yusupdi Maria dopupa, sun kikiman kuramrei. Yusupdi Maria domu dinin, aner cap uruna kuna gum dipapu, Allah er Sambala puto deiki dipapu Maria mundu dopudi, sal mi deipu. Sal mi deipu pangeda, Yusupdi, "Ami er sida Yesus," pepu.



Ataruda, Roma mutu neitamai kurami nesala yuma
taleamnga ila deiyo ngebo, Roma mutu ngebo Kaisar
Agustusdi, "Nun Roma
mutu nengdi talenup
nesala yuma,
'Denge weik



ware kuprap kunung do?'
tenen, si sekamepe," pepra deipu.



"Sun si sengna tep, sun pe mutu sisapu tamupra berume," pepya tep, amutu-mutu kurami nesala yuma, sun deiami mutupu tamupra bei.



Anesala yuma beitopu, Yusup peda, Daud yala ngebo
cadi, Galilea tara kuramu mutu Nasaret mutu di tapra,
Yudea tara neitamai Daud
yala deiyoi tep, Betlehem
mutu beu.



Yusupda, 'Nun si sekamseng' tenen, er mun peramu
ner Maria cap, men dopdaramrei dipapu, mundu
douamupane, Betlehem
mutu berei.



Anesala yuma beitu, Yusup pada, Daud yala ngebo
cadi, Galilea tara kuramu mutu Nasaret mutu di tapra,
Yudea tara neitamai Daud
yala deiyo tep, Betlehem
mutu beu.



Yusupda, 'Nun si sekamseng' tenen, er mun
peramu ner Maria cap, men dopdaramrei
dipapu, mundu
douamupane, Betlehem
mutu berei.



Betlehem mutu bereidi
kunmarei taruda, Maria
mi deiyo gonga kepra
jenmau.



Mi deiyo jenmauanen, Mariadi sal mi menmena deipu.
Betlehem mutu nimi bo neng marami ati go men
kupudi, dekpepupa, Maria bura
tara ati, er mi deipu dingeda, . . .



. . . domba bisam jen keca tep, yakra deiamidi
kareramyai deiki deipu. Tonda, lyom opkal
gweleprapudi, ange di ami
getepra deipu.



Mariadi Yesus deipu tumi lukundapu, Yesus deipu ati yambul karenai di domba pein neng sun domba katuai mutu peinmai.



Sun domba peinmaipane, Allah er im deiki pel don
ngebo, malaikat dokotepupa, dato-dato di sun damai
damai tengyaupa, Allah er dirine
weike kupupa, sun kware
weike
kupu.



Sun kware weike kupu dinin, amalaikatdi upepu. "Sun
kwar dangna gume. Nedi sun tep kai telep upu
duyanmasenada, nesala ban-ban
yuma gekepmengedi, ila
kange

deipkamenge."



"Ada, Daud er mutu Betlehem neitamai di, Nimi yuma Lyemne Deiyo Ngebo konum deipmasere. Amida, ila nimi deiyo ngebo kunkamre. Ada,

Allahdi nesala yuma

Iyepredi,
sun dipru
talenkamre
taru deiyo
ngeboda, 'Ami

kupkamre' tenen,
wepra deipu mi
ake. Amida, Kristus
kurure."



"Betlehem mutu bemum dingeda, 'Ange mida ace'
tenen, peten kemna keca eprumudi, kael kepkuruma
tep, lyom opkal getepira domba jen
keca deiki deipmarya
epkurume.

'Apepmaseu
mida, aca,'
tenepkurume,"

pepu.



Aupu konum pepu pangeda, Allah er im deiki pel don neng weika di menmena yai.



Amalaikat denge weik cap, arup yanmau malaikat
cap, Allah si eremaidi aupu penmai.
"Allah ila ngebo im deiki kure

ngeboda,

pio telep kurure."



"Ware nesala do yuma, Allahdi kange derinkamre
nesala yumada, telep kudirepa, mambul
kange douna gum di, kanam kange

doupra,
pio

teleppu
kunkamenge,"
pepi.



Upepidi, amalaikat yuma tamupra im
deiki bei pangeda, adomba pein nengdi
upepdai. "Allahdi lap pepmaser keca
epkupa tep, Betlehem mutu dirbenkupe,"
pepi.



Upepi dingeda, adipapu Betlehem mutu beidi, Maria cap, Yusup cap, ami lyom opkal getepra domba bisam jen derinai deiki deipmareiyaipu epi.




Konum epi dingeda, adomba bisam pein
nengdi, malaikatdi ami tep pepmai
upuda, amutu kurami nesala gekena tep,
lap pepembanmai. Upenmaipa nesala
weike gekenmai.



Yesus deiamu
mutuda, Propinsi
Yudea tara neitamai
dinin, mutu sida,
Betlehem
mutu deipu.

Yesus deipu taruda, amutu yuma
ila nimi deiyo talepra kuramu
ngebo, er sida Raja Herodes
kuramu.



Yesus konum deipu pangeda,
kuru kupne keca, men di kael
kepra embarami neng, keteng
yakan tara di, ila mutu si
Yerusalem
mutu diryai.

Yaidi asipetepi. "Yahudi yala
neng, sun ila nimi deiyo ngebo
Raja, ukupu deipmar ngeboda,
dan cei deipmarpa kurur do?"
pepra asipetepi.



Asipetepidi, "Keteng
yakan tara di,
angebo er akuru
ikupa epmepudi,
'Er si

erepkamep' tenen, kuru im
neitamai yakanmau bisipu
diramepudi, melipra yanmape,"
pepi.



Sun kuru dipra yakarami
nengdi, Herodes tep pepi.
Anengdi Herodes tep
aupu pepipa, Herodesdi
kuru dipra yakarami neng
tep, upupupa yai pangeda,
inipra asipetepu. "Sun
epmarum kuruda, dan tumi
di iku do?" pepra asipetepu.
Asipetepudi upu ton moupra
deipu.



'Betlehem mutu
dirbenkameng' tenen, aupu
peipu. "Betlehem mutu
bemumdi, ami
eramumyane, konum
epmumyopda, tamupra ne
yana pepnemumpa, ne
peda er tep, gispal
dorbenkamne. Er si
erepkamna tepa," pepra,
Raja Herodesdi
mawa di
peptapu.



Apu pepupa, gekepiopda, sun akuru benamu bisipu
diramidi melipra dombarami nengda ka di bei. Keteng
yakan tara di ikmaupa, epmai kurupu
er mepmaupa, sun amenda
melipra banmaiyanen, Yesus
deipmau ati, amnya bo deiki iku
pangeda, sun peda
akatipu bena weki.



Ila di kange deipidi, akati wekra Maria cap, er mi
Yesus cap epidi, ami er gispal dona tep, sun yumada,
gutam tu dipra, genepdongoprapidi,
gispal dopi. Tonda, Yesus er si
eremai. Eremaidi, sun mambul
keca, kin keca pumbon kiami
keca teprapidi,
kununna weik keca
Yesus tep karepi.
Sundi Yesus karepi
kecada, ake.



Co pe konum kalapunge, er si kemenyan uku
dongopmenga, 'Telep nintong pepkamre' tenen,
karepi. Akeca er sida, kemenyan.

Tonda, kunumna weik keca emas
karepi. Ton ngeda, kunumna
weik co pe, telep nintong
peramrenge, er sida
mur cap, kikiman
wisipra karepi.



Karepidi, mapmaipa, ken deiki Allahdi aneng tep upepu. "Sun tamupra ban taruda, Herodes er damai courbena bana gume. Yuk bisi di, sun pe mutu tamupra benkurume," pepupa, gekepidi yuk bisi bei.



Sun kuru dirami neng, Yesus
derin ati konum tapra bei
pangeda, ken deiki di Allah
er im deiki pel don ngebo
malaikatdi, Yusup tep aupu
pepu. "Herodesdi, 'Ami
poprur' tenen,
bukromemdi ami cap, er
nin cap dopra, Mesir



mutu dubeo."



“Herodesdi, ‘Ami popkamne’
tenen, pio enkamra cadı,
Mesir mutu bememdi,
dakuramempame nedi
upupkene pangeda, tamupra
amutu yankamrume,”
pepu.




Allahdi Yusup tep upepu
pangeda, Yusup bukroudi,
ami cap, er nin Maria cap
doprap, alukunda neitamai
dipapu, Mesir mutu bei.
Dabena kuramipane,
Raja Herodes depu
pangeda, tamupra sun
pe mutu yai.





Akupinge yumada, Allah upu
lap peramu ngebo, nabi
Hoseadi peramutopu kupi.
Hosea peramu upuda
adano. 'Allahdi pepu. Mesir
mutu neitamai di, ne mi
tep upupsipa, tamupra
yau.'



Sun kuru dirami nengda,
Herodes tali mawa di tali
peptapu upu deiyoda, sun
konum kael keamya tep,
gekeptaprapidi, er damai
tamupra men bei dinin, sun pe
mutu bana tep, yuk bisi inipra
bei.




Konum bei dinin, amendada
Herodes ange kael kepudi, er
pio tulum kupu. Sun kuru
dirami nengdi, Herodes tep,
"Kuru ataru di iku," pepipa,
Raja Herodes gekepudi, . . .




. . . sun pepitopu gonga kepra,
adinen nukpetepudi, 'Sal
nyapu keteng tamun butene
di sekrap, utara nyapu yuma
popra gawal dakamne,'

tenepu. Utenepudi, yu weik
kupupa, er jen talen
neng tep
upu
peipu.



“Betlehem mutu cap, adamai
mutu yuma cap, sal nyapu,
keteng tamun butene di
sekrap utara kunge sal nyapu
yuma poptapkurume,” pepupa
gekepidi, erdi peiputopu, anyapu
yuma poptapi.



Yusupda, Mesir mutu
neitamai dakuramupane,
Herodes konum depu
pangeda, Allah er im deiki
pel don ngebo malaikat,
ken deiki Yusup tep
peryau.




"Yusupo, 'Ami poptepe'
tenen, piripterepi neng
yumada konum depropya
cadi, bukrapmemdi ami
cap, er nin Maria cap,
doprapmemdi, Israel
mutu tamupra
dubenkurume," pepu.



Dakuramyanen,
amenda taru Israel
tara tamupra beu dinin,
"Herodes depupa, er
yo pununa tep,

ukutaruda er
mi Arkelausdi Yudea
tara talerure," pepipa gekepudi,
'Angebo Arkelausdi popserur' tenen, kware weik
kupupa, 'Yudea tara men benkune,' tenepu.



Tonda, ken mapka
deiki Allahdi pepu.
"Yesus poprura tep,
kange moupo," pepka
tep, Yusup



gekepudi,
'Yudea tarada, ne bana
gume. Dinin, Galilea tarapu tamupra
benkune' tenen, beu. Galilea tara beu dingeda,
tenpu mutu si Nasaret mutu bena kurami.



Nasaret mutu bena
kuramyada, sun Allah
upu lap perami neng,
nabi-nabi nengdi aupu
perami.



Ada, "Nimi Lyemna Ngeboda,
'Nasaret mutu ngebo
kurure,' pepkamenge,"
perami. Ange tep
nengeda, Nasaret
mutu



bena kuramyai di, sun
Allah upu lap perami
neng lap peramitopu, Nasaret
mutu bena kurami.



Allahdi teka tenena nesala yuma tep,
gam pio kupra deipkamsera deiyoda
pepkusene. Ada, Allahdi nesala ban-ban
yuma tep, bicau teneamseudi, dipru
weika di kareamseua tep, er Mi
Sisa tenpupu kuramu dinin,
tuai nesala lyemna tep
karepseue.



Ada, 'Ware nesala do yuma, er Mi Sisa
tep, teka tenepmengopda, pio men
depkameng dinin, gam kuna deiyo keca
karepnepa, pio gam kunkameng'
tenen, er mi tenpu karepseue.



Roma 3:23 Nesala ban-ban yumada utotopu kunupe. Allah er tenpupuda mali keca tenpu pe men kuredi, pio dumsisipu kuretopu men kunupe. Nunda er upu yaniptapmepedi malipu kunupe. Allah pio telep kupra kuretopu, men kunupe. Nunda dumsisi men kupmanto nesala kunupe. Atep tuai mutu kupe nesala yumada kikiman utopu lyemserure.

Roma 6:23 Angeda tali men pepsene. Deiyoda pepkusene. Ada, nundi menenga keca dorona tep, pel dopmepepa, sun pel deiyo nengdi menenga keca, co bo karesenungtopu, mali kun kecapu tenepira, pio malipu kupbaramepyopda, sirya taruda depkamepe. Depmepyopda, Allah cap kikiman pio men kunkamepe. Dinino, Allah bicau teneseredi, er kange dipu tali karesere kecada, pepkusene. Ada, nun Deiyo Ngebo Yesus Kristus cap, dipru dukdongopseua deiki di, sirya taruda gam bukra deipserepa, Allah cap pio gam kunkamepe.



Ibrani 9:27 Uda, Allahdi nimi tuai nesala yuma teneamseutopu kunkamepe. Ada, gam kuramepyanen, tenpu taru di konum depmepyopda, amendada, Allahdi, nun tuai nesala yuma tep, "Ange telepe, ange mali," pepra upu lepsisikra bokeipseredi, wenepkamsere.

Efesus 2:8,9 Allah er kange dipapu lyepseue pepmasenada, tali tep men pepsene. Deiyoda ake. Sundi Allah tep, konum teka tenepruma deiki di, Allah er kange deiki dipapu lyemserure. Angeda, sun telep pel dopra, dumsisi kuruma deiki di men lyemserure. Ange pio gum dinin, Allah er kange dipapu bicau tenepseudi, lyepseue. Er kange dipapu lyemserurada, 'Mesum dipapu teka tenena deiyo keca karenepa, anesaladi teka tenepnetenge' tenen, karepseudi, kange deipra lyepseue. Ange utopu ton tupa kuserure.



Nunda telep pel doramupka deiki di men lyepseua tep, ware ngebo do yuma, sundi, "Gume, ne telep pel doramsa deiki di, Allahdi lyepneue," pepra gemena upu men peptenge. Ada men pepmanto keca tepa.

Roma 10:9,10 Aupuda, pepkusene. Ada, sun pe upu deiki cap, sun pe sipyal deiki cap dipapu, "Yesusda tek sisi nun Ila Deiyo Ngebo kurure," pepra, tenimtona gum dipapu, katuai di pepmum dinin, sun kange dipru neitamai di, 'Yesus konum depu dinin, Allahdi Yesus tep tek sisi ka tamupra gam bukra deipu' tenen, teka tenepmumnyopda, konuma, tek sisi Allahdi lyepkamsere. Angeda tali tep men pepsene. Gume. Deiyoda ake. Ada, sun kange dipru neitamai teka tenepmumnyopda, Allahdi sun tep, "Sunda dumsisi nesala kununge," pepra, er kange dipapu telep kemdiserure.



Tonda, sun pe upu deiki cap, sun pe sipyal deiki capdi,
"Yesusda nun Deiyo Ngebo kuserure," pepra nimi gekenai
di, katuai pepmumnyopda, Allahdi lyemdoserure.

Yohanes 3:16,17 Allahdi teka tenena nesala yuma tep,
gam pio kupra deipkamsera deiyoda pepkusene. Ada,
Allahdi nesala ban-ban yuma tep, bicau teneamseudi, dipru
weika di kareamseua tep, er Mi Sisa tenpupu kuramu dinin,
tuai nesala lyemna tep karepseue. Ada, 'Ware nesala do
yuma, er Mi Sisa tep, teka tenepmengopda, pio men
depkameng dinin, gam kuna deiyo keca karepnepa, pio
gam kunkameng' tenen, er mi tenpu karepseue.
Angeda tali tep men pepsene. Allahdi er Mi Sisa dopra, tuai
nesala kunupai dokotepseua deiyoda, 'Erdi tuai
nesala yuma tep, wenepa poptapkamre'
tenen, men dokotepseue.



Ange gum dinin, Allahdi, 'Ne Mi dokotepnepa, nimidi er tep teka tenepmenga deiki di, nesala ban-ban yuma neitamai di nesala weik lyepkamne,' teneamudi er mida, tuai nesala kunupai dokotepupa, nun damai yaue.

1 Yohanes 5:11-13 Allahdi er Mi Sisa tep, lap pepra karepseu upuda ake. Allahdi pio gam kuna deiyo keca konum karepsue. Agam kuna deiyo kecada, er Mi Sisa Yesus deiki dipu kareserure. Allah er Mi Sisa Yesus teka teneptra talere ngeboda, gam pio kunkamre. Allah er Mi Sisa Yesus teka tenena gum di, Yesus men talere ngeboda, gam pio men kunkamre. Ato ngeboda, nong yopu kurura tep, Yesus er cap kikiman gam men kunkamrengé. Uda sunda, 'Allah er Mi Sisa teka' tenen, talepra kurum nesalada, 'E, nunda tek sisi gam pio kunkamepe' tenen, 'Kange bongtona gum di, tek sisi kael keprumudi, dipru dimpepra kunkamrum' tenen, ne Yohanesdi sun tep, aupu sekeipsene.



Matus 1-2; Lukas 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Ketengban Bible (xte) ©2022 Wycliffe Bible Translators, Inc

<https://www.bible.com/bible/3486/GEN.1.KNTOT>

©2026 Bible for Children, Inc.

www.M1914.org

www.bibleforchildren.org

